

太上黃籙齋儀卷之四十三

五九

唐廣成先生杜光庭集

士庶消災五方懺儀或并壇盛集盛昇及此懺以作簡要

先禮方

臣等至心皈命十方無極太上靈寶天尊已得道大聖衆至真諸君丈人十鄉神仙諸靈官三禮各虔誠懺悔

次懺悔

臣等伏聞十極天尊垂拱於无何之上五老上帝開闢於太漠之中弘道德以化群方布恩惠而臨品物凡所祈啓必獲感通今謹有黃籙大齋主某官某乙恩重君親義深家國將崇福社爰設壇場依按科儀齋持法信皈命

十方無極太上靈寶天尊已得道大聖衆至真諸君丈人十鄉神仙諸靈官持乞垂不宰之仁播無私之澤降栴祥於宗廟延作曆於聖躬萬國咸寧五兵自偃次乞齋主某家九玄七祖超度朱官五族六親列名丹簡千災

不作百福維新一切生靈同臻道慶得道之後昇入无形和與道合真

三光

臣等至心皈命日月星宮至真大聖三光神仙諸靈官三禮各虔誠懺

臣等伏聞懸象著明照臨下土三光垂曜品物流形日帝月君旁統死生之録星官斗極兼司罪福之文今謹有黃籙大齋主某官某至心皈命

日月星宮至真大聖三光神仙諸靈官持乞垂大有之恩布無私之德延休帝業降福聖朝增壽曆於無疆致昇平於萬宇次乞齋主某家九玄開度百福咸臻錄算維新災戾永息三塗九夜識連珠合璧之輝齋動含靈蒙照燭生成之賜得道之後昇入无形和與道合真

五嶽

臣等至心皈命五嶽真君名山洞府得道神仙諸靈官三禮各虔誠懺謝

臣等伏聞二儀既闢五嶽分雄下鎮坤輿上

扶乾蓋名山靈洞統制鬼神陰府仙曹主張罪福今謹有黃籙大齋主某官某至心皈命五嶽真君名山洞府得道神仙諸靈官持乞鑿映丹誠降流洪福先資國祚密祐帝圖延鳳紀於億千齊鶴年於萬華次及齋主某家

九玄七楊滯識幽牢太山陰簡對之文仙洞得道遙之路見存姻屬内外宗親祿壽增崇凶災殄息落罪書於五嶽列仙籍於九天蠢動飛沉並蒙開泰得道之後昇入无形和與道合真

水府

臣等至心皈命扶桑大帝暘谷神王三河四海九江水帝十二河源水府神仙諸靈官三禮各虔誠懺謝

臣等伏聞八海扶天延十洲於物外九江控日分六合於寰中乾坤寶運載之功動植荷涵濡之德潛包洞府以統生靈既司罪福之源宜蒸飯依之懇今謹有黃籙大齋主某官某至心皈命

扶桑大帝暘谷神王三河四海九江水帝十

二河源水府神仙諸靈官特乞閉上善之仁
播靈長之澤納積祥於帝闕重輯河圖增壽
紀於聖躬永安海嶽驚波不作品類咸寧次
乞齋主某家九祖七玄生天證道出泉曲寒
庭之境造方壺圓嶠之宮見在宗親同沾景
貺降流福祚洗滌災愆獲衆善日新群生俱泰
得道之後昇入无形和與道合真

經寶

臣等至心皈命太上三尊十方衆聖至真无
上三十六部尊經真文寶符三禮各虔誠懺
謝

臣等伏聞天地之前混沌之首玉京金闕已
弘大道之風龍篆鳳文久闢重玄之教初傳
天上漸降人間有長生不死之圖有利物安
人之訓帝王宗之以布化至士修之以昇天
為萬法之根源實九流之宗本所宜稟奉以
降休祥今謹有黃籙大齋主某官某至心皈
命
三十六部尊經真文寶符特乞開大宥之恩
錫無疆之福永佳聖運幽贊鴻圖九重齊海

歲之安萬國混車書之化次乞齋主某家三
師九祖列丹簡之善名見在親姻除黑書之
罪自潛通秘訣靈證仙階祿壽維新災凶未
息飛沉動植俱沐玄恩得道之後昇入无形
和與道合真

太上黃籙齋儀卷之四十三

正一天師清微弟子 洪百堅 製作

道教學術資訊網站

太上黃籙齋儀卷之四十四

壬子

唐廣成先生杜光庭集

安宅行道方懺

先衆官列位於玄師前立定

唱道

入戶

旋行上五方香東方為始

上御案香

上本位香

各禮師存念如法

衛靈

晨精朗曜 紫煙御空 星壇煥映

變化雲宮 日魂月魄 離坎翼中

金真嘯命 龍虎辟邪 吉日行事

八威鼓從 玉華羅敷 徘徊飛虹

天光下盼 道炁豐隆 含靈普濟

慶流無窮

鳴法鼓二十四通

无上三天玄元始三炁太上老君召出身

中三五功曹左右官使者侍香金童傳言玉